



30.7.2014.

Str.:1+1

SAOPŠTENJE NAMIJENJENO JAVNOSTIMA

Nadnaslov: Memorandum o razumijevanju Internacionalnog Univerziteta Travnik u Travniku, Bosna i Hercegovina i Univerziteta Anadolija iz Eskişehir, Turska

Naslov: Saradnja sa Univerzitetom Anadolija iz Turske u skladu sa planiranim ciljevima razvoja Internacionalnog Univerziteta Travnik

U skladu sa planiranim ciljevima nastavno-naučnog procesa i daljeg razvoja nastavno-naučno istraživačkog procesa unutar Internacionalnog Univerziteta Travnik u Travniku usmjerenog svjetskim akademskim tokovima, naš Univerzitet predstavlja primjer razvijanja saradnje sa Univerzitetima iz cijelog svijeta. Ovoga mjeseca je potpisan Memorandum o razumijevanju sa Univerzitetom Anadolija iz Eskişehir, Turska.

Univerzitet Anadolija iz Turske je po broju upisanih studenata (dodiplomski, postdiplomski i doktorski studij) drugi po veličini Univerzitet na svijetu a osnovan je 1958.g. što samo potvrđuje značaj potpisanog Memoranduma o razumijevanju i pozicioniranja Internacionalnog Univerziteta Travnik u Travniku na svjetskoj akademskoj sceni. Memorandum o razumijevanju su 17.7.2014.g. potpisali rektor IUT-a, prof.dr. Ibrahim Jusufrić i rektor AU, prof.dr. Naci Gündoğan.

Metodološka uobličena pretpostavljenih oblika saradnje dva bliska Univerziteta će se ogledati u razvoju akademske i obrazovne saradnje na osnovu ravnopravnosti i uzajamnosti i promovisanju održivih partnerstava i međusobnog razumijevanja između naša dva Univerziteta. Fokusiranost aktivnosti će biti na neposrednim kontaktima i saradnji fakultetá naših Univerziteta sličnih i/ili istovjetnih nastavno-naučnih programa sa ciljem unapređenja obostranih akademskih usmjerenja. Također će zajedničke naučno-istraživačke aktivnosti, pored dogovorene razmjene studenata na principu reciprociteta biti fokusom daljnjih aktivnosti usmjerene unapređenju saradnje.

Istovremeno, organiziraće se učestovanje na seminarima, simpozijima, kratkoročnim studijskim programima i akademskim sastancima od zajedničkog interesa usmjerenog poboljšanju nastavno-naučnog procesa oba Univerziteta. Realiziraće se i razmjena istraživačkih i obrazovnih materijala kao i akademskih informacija, ali i dogovoriti gostovanje eminentnih predavača sa jednog na drugom Univerzitetu i *vice versa*.





Usmjereni kvalitetnom uobličavanju navedenog, pored ohrabrirvanja direktnih kontakata između predstavnika fakulteta oba univerziteta, kao i njihovih institucija i studenata, bit će osnovana bilateralna komisija sa ciljem koordinacije svih planiranih aktivnosti između univerziteta. Istovremeno će biti imenovani koordinatori od strane fakulteta, institucije i studenata sa Univerzitetá koji će učestvovati kao posrednici za provođenje *Memoranduma o razumijevanju*, ali će finalna realizacija dogovorenog biti po odobrenju od strane koordinatora IUT-a i UA-e koji su već imenovani od strane rektora, prof. dr. Ibrahima Jusufrića i prof.dr. Naci Gündođana. Koordinatori navedenih aktivnosti u ime oba Univerziteta su: Mr.sc. Sabahudin Hadžialić, doktorand IUT-a, Koordinator IUT Instituta & Ovlašteni koordinator međunarodnih odnosa sa javnošću i Viši asistent FMIK, i Van. Prof.Dr. Bilge Kađan Özdemir (Koordinator za međunarodne odnose AU).

Očekuje se konkretizacija obaveza dogovorenih u Memorandumu o razumijevanju već u toku akademske 2014/2015. godine, a u skladu sa iskazanim nastavno – naučno – istraživačkim potrebama fakulteta, institucija i studenata oba Univerzitetá.

Navedeni prvi korak u realizaciji dugogodišnje planirane saradnje naših Univerzitetá, uobličenog *Memorandumom o razumijevanju*, će biti realiziran u narednih pet godina sa planom proširenja i na duži period, u skladu sa planovima i potrebama oba Univerziteta i koji je uobličen u sloganu Internacionalnog Univerziteta Travnik: „Za život prepun mogućnosti“ usmjeren unapređenju nastavno – naučno – istraživačkog procesa naših Univerzitetá, ali i šire društvene zajednice, kroz daljnje jačanje stoljetnih, kako privrednih tako i društvenih, veza prijateljskih zemalja - Bosne i Hercegovine i Turske.

PR služba

Internacionalni Univerzitet Travnik

Travnik

Bosna i Hercegovina

<http://www.iu-travnik.com/>

